

# ТӨРИЙН БЭЛГЭДЭЛ



## Зорилт:

- Монгол Улсын төрийн далбааны өдрийн хүрээнд төрийн бэлгэ тэмдгийн илэрхийлэл, утга агуулгыг тайлбарлах

## Сэдвийн агуулга:

- Бэлгэ тэмдэг
- Төрийн бэлгэдэл



## Сургалтын арга:

- Багаар ажиллах
- Лекцийн арга

## Хичээлийн хэрэглэгдэхүүн:

- "Төрийн бэлгэдэл" видео

## Түлхүүр үг:

### Төрийн бэлгэдэл

Монгол Улсын тусгаар тогтнол, бүрэн эрхт байдлын бэлгэ тэмдэг нь Төрийн сүлд, туг, далбаа, тамга, дуулал мөн. Төрийн сүлд, туг, далбаа, дуулал нь Монголын ард түмний түүхэн уламжлал, хүсэл тэмүүлэл, эв нэгдэл, шударга ёс, цог хийморийг илэрхийлнэ. Төрийн тамга нь дөрвөлжин хэлбэртэй, голдоо Төрийн сүлдтэй, сүлдний хоёр талаар Монгол Улс гэсэн бичээстэй, арслангийн дүрс бүхий бариултай байна. Төрийн тамгыг 1) Монгол Улсын Үндсэн хуулийн уг эхийн хуудас бүр дээр, 2) Монгол Улсын хууль, Улсын Их Хурлаар соёрхон баталсан олон улсын гэрээ, Монгол Улсаас гадаад улстай дипломат харилцаа тогтоох, цуцлах тухай Улсын Их Хурлын шийдвэрийн уг эхийн эхний хуудас дээр тус тус дарна.

### Бэлгэ тэмдэг

Аливаа зүйлийн утгыг тэмдэг, дүрс, дуу авиагаар төлөөлүүлсэн илэрхийлэл.

### Бүрэн эрхт байдал

Аливаа улс дотоод, гадаад харилцаанд бие даасан улс гэдгийг илэрхийлдэг гол шинж.

### Тусгаар тогтнол

Улсын бүрэн эрхт байдлын баталгааг хангаж, улс төр, эдийн засаг, нийгэмшил, үзэл санааны хувьд бусад улсаас хараат бус байх шинж.

## Үйл ажиллагаа

### 1. Сэдэлжүүлэлт

"Төрийн далбаа болон туг ямар ялгаатай вэ?" хэмээн асууж сурагчдын өмнөх мэдлэгийг сонсоно. Үүний дараа "Төрийн бэлгэдэл" видеог үзүүлнэ.

### 2. Шинэ мэдлэг бүтээх

Сурагчийн гарын авлагаас "Төрийн бэлгэдэл" сэдвийг уншиж, дараах асуултын хүрээнд ярилцана. Үүнд:

- Төрийн бэлгэ тэмдэгт юу юу багтдаг вэ?
- Төрийн далбааны өдөр хэзээ болдог вэ? Энэ өдрийн утга учрыг юу гэж харж байна вэ?
- Төрийн бэлгэ тэмдэгт хэрхэн хүндэтгэлтэй хандах вэ?

### 3. Бататгал

- Дасгал ажлын хуудсыг хувилаад сурагчдад тарааж өгнө.
- Дасгалыг хэрхэн хийх зааврыг танилцуулж, гүйцэтгэх хугацаа олгоно.

### Дасгал ажил 1.

Дасгалын хуудсанд Төрийн бэлгэ тэмдгийг тайлбарлан бичнэ үү.

### Хяналтын асуулт:

1. Төрийн бэлгэ тэмдэгт юу юу багтах вэ?
2. Төрийн бэлгэ тэмдэгт хэрхэн хүндэтгэлтэй хандах ёстой вэ?
3. Улс орнууд яагаад Төрийн далбааны өдрийг тэмдэглэдэг вэ?
4. Бусад улсын Төрийн далбааны өдрийг олж мэдэж, бусадтайгаа хуваалцаарай.




Дасгал ажил 1.

ОВОГ, НЭР:

АНГИ:

# ТӨРИЙН БЭЛГЭ ТЭМДЭГ

Дасгалын хуудсанд Төрийн бэлгэ тэмдгийг тайлбарлан бичнэ үү.



ПАРЛАМЕНТЫН  
БОЛОВСРОЛ